

Scrittura

Lettera d'un suldatu

L'8 d'ottobre 1768

Da Borgu

Mi chjamu Leo Bonnevalle, sò un ghjuvanottu di vinti trè anni, sò partutu da u mo paese d'Eccica, per andà in Borgu per pruteghje a cità di l'avanzata francese.

Nanzu d'esse à a guerra eru agricultore, eru tranquillu in a mo vita, aviu una sposa è dui zitelli. Ma sò statu chjamatu per a Patria è aghju tuttu lasciatu daret' à mè. Face trè ghjorni chì sò quì cù quattrumila suldati. A u nostru capu ci sò Pasquale Paoli, u so frateddu Clemente, Achille Murati, Nicudemu Pasqualini è Ghjacumu Petru Abbattucci.

I francesi, sottu à u cumandu di Chauvelin è Marbeuf, anu pigliatu u Nebbiu è u Capicorsu è marchjanu versu à Borgu. Divimu finisce sta avanzata quì. Avemu ricivutu l'ordine di stà sarratti in e case è di tenele sin' à a morte. Vecu chì i mo cumpagni anu a paura mà eiu, di more ùn aghju primura. Aghju sintitu u culombu, i francesi assaltanu. Un sò chè cinque centu. Sentu mughjà in a strada, sentu i nemichi chì provanu d'apre e porte, ghjè l'ora a battaglia cummencia. Vecu cumpagni chì cascanu sott' à e palle da i nemichi. Ma simu troppu dipett' à elli è a battaglia pare esse per noi. Da e case lampemu petre è partenu fucilate nant' à ssi rugnosi invasori. Un ponu micca difendesi sò troppu spostati in a strada. Vecu chì i francesi partenu à corri corri. Si sente mughjà : « Vittoria ! » in a strada. Ci sò bandere chì cummincianu à sventulà. A cità sarà Corsa per sempre. Di sicuru avemu vintu ma avà pensu à tutti sti ghjenti chì sò morti per difende a nostra cara Patria. Avà possu rientra in u mo paese per ritruvà à mo famiglia è a mo vita chì hè bella tranquilla di pettu à ciò ch' eiu aghju cunnisciutu quì in Borgu.